

幼科證治準繩集之四

心部二

金壇王肯堂字泰甫輯

痘瘡上

溯源

錢氏曰夫胎在腹中月至六七則已成形食母腹中穢液入兒五藏食至十月卽穢液滿胃至生時兒口中猶有不潔產母以手拭淨則無疾病俗以黃連汞粉下其臍糞之穢此亦母之不潔餘氣入兒藏中本先因微寒又遇風寒邪氣相搏而成痘疹也未出欲



作之時熱動五藏則五藏之證先見初欲病時先呵欠頓悶驚悸乍涼乍熱手足冷面腮頰赤燥咳嗽噴嚏此五藏證俱見也呵欠頓悶者肝也時發驚悸者心也乍涼乍熱手足冷者脾也面赤腮頰赤咳嗽噴嚏者肺也惟腎無候以在腑下不能食穢故也凡瘡疹乃五藏毒若出歸一證肝水疱肺膿疱心爲癰脾爲疹腎雖無證其候惡者瘡變倒靨而黑陷則歸腎也此由不慎風冷而不能食內虛所致也東垣曰癰疹始出之證必先見面燥頤赤目胞亦赤呵欠頓悶乍熱乍涼咳嗽痰壅足稍冷多唾唾驚並瘡疹之

證或生膿泡大癰或生小紅癰或生癰疹此三等不
同何故俱顯上證而後乃出蓋已上諸證太陽寒水
起於右腎之下煎熬左腎足太陽膀胱寒水夾脊逆
流上頭下額逆手太陽丙火不得傳道逆於面上故
顯是證蓋壬癸寒水尅丙丁熱火故也諸癰證皆從
寒水逆流而出也醫者當知此理乃敢用藥夫胞者
一名赤宮一名丹田一名命門男子藏精施化婦人
繫胞有孕俱爲生化之源非五行也非水亦非火此
天地之異名也象坤土之生萬物也夫人之始生也
血海始淨一日二日精勝其血則爲男子三日四日

五日血脉已旺精不勝血則爲女子乃二物相搏長
先身生謂之■又謂之精其子在■十月之間隨
母呼吸呼吸者陽氣也而生動作滋益精氣神饑渴
皆隨母血兒隨日長筋骨皮肉血脉形氣俱足十月
降生口中尚有惡血啼聲一發隨吸而下此惡血復
歸命門胞中僻於一隅隱伏而不發直至兒因內傷
乳食濕熱之氣下陷合於腎中二火交攻榮氣不從
逆於肉理惡血乃發諸癰疹皆出於腎水其瘍後聚
肉理歸於陽明故三番癰始顯之證皆是太陽壬勝
挑尅丙小陽其始出皆見於面終歸於陽明肉理熱

化爲膿者也。二火熾盛反勝寒水遍身俱出此皆從足太陽傳變中來也。萬氏曰痘疹之原有論穢毒者有論淫火者有論時行正病者靡有定論將謂穢毒淫火耶則一歲之中大而郡縣小而村落病者相似而死相繼未必人人若此之甚也將謂時行正病邪何以自少至老但作一度厥後再無傳染也蓋父母於子一體而分精血之毒已畜於陽施陰化之始固不待誕生之頃嚙其血而後有也。况男子惜其氣以養其精女子耗其氣以養其血失所養卽貽他日之患子之受於父母者雖殊其爲毒則一也。

豈有男子淫火起於氣爲陽毒而易治女子淫火起於血爲陰毒而難治之理邪至於天行正病亦有其時但觀夫年之所加及有四時不正之氣卽知有是正病也然則待時而發者胎毒也或速而危或徐而持或暴而死者氣之微甚所使也發則其毒洩矣所以終身但作一度後有其氣不復傳染焉 痘爲胎毒昭昭矣其間或疎而輕或密而重或重變輕或輕變重變化叵測是又有說也疎而輕者始終如一密而重者變恠百出或因父母相傳而然或因疫癘相

染而然或因目見主目膏而然皆其光忽出於聞見思

慮之所不及此與智者道之癡人前不必說夢也何者蓋痘疹之毒父母原自有之雖常作過一番而臟腑經絡皮毛肌肉骨髓之間餘毒猶有存者一旦分形化氣注之於子其毒亦隨之洩矣所以子之瘡癥多肖親也加之調攝失宜放恣無忌其毒益甚瘡痘之候沉困危篤者未必非父母之所致也凡子之侏儒跛躄必肖於親况疹痘之毒乎且人受天地之氣以生天地之氣變人之氣亦變或遇遷正失守淫勝鬱復之紀德令乖常青菑迭見自然厲氣傳染證候相似所以輕則俱輕重則俱重若有主之者是則疫

癘之所爲也故人之癘疾而死者精靈不散游魂往來隨氣而行常以其氣疰於平人而爲之疾如瘵癰之傳染然形質龐厚福澤悠遠者不能相及苟體虛福薄之人陰陽舛亂之歲則膏肓之堅臺駘之祟互相染著反復變化術不能禁工不能治也此非鬼疰之害乎夫治此王者當奈何曰必爲之豫解其毒平其氣遷其處庶乎可免矣按痘疹之發顯是天行時氣塵市村落互相傳染輕則俱輕重則俱重雖有異於衆者十之一二而已豈可槩謂胎毒哉然疫癘冬身不寒者北地皆是而痘疹無一人得免疫癘一

染之後不能保其不再染而痘瘡一發不再發則胎
毒之說又何可盡廢乎至謂淫火穢血古亦有之而
何獨無痘疹之患欲以破胎毒之說則又不然天下
之無而忽有者多矣草有名虞美人者虞美人項王
寵姬也爲項王死世哀之爲之歌對草倚聲悽慟而
草輒搖草無情識也方其未有楚則寵姬亦無况有
草耶一切衆生自妄顛倒而成三界如之又何疑乎
痘疹

預防

萬痘瘡之病皆由父母胎毒畜於命門之中命門者

右腎相火也爲人身生化之本故毒藏焉如遇冬令
溫和陽氣暴洩人則感之觸動相火至春夏生長之
時其毒廼發傳染相似是謂天行疫癘也未出痘疹
者但覺冬溫卽當預防宜服解毒之藥如辰砂散三
豆湯代天宣化丸皆可用也頻頻與之使瘡疹之毒
輕減自然易出易收無陷伏鬱遏留連之患 其辰
砂散三豆湯代天宣化丸以解時行疫癘之毒則可
或因父母精血不足者或其人素有他疾者或發熱
之時別臟形證發見者並宜兼而治之不可徒恃解
毒而竟忘其本也如脾胃素弱者宜以養脾爲重解

毒次之養脾丸服三之二解毒三之一如因父母毒
養過厚精血畜毒素多胎病者宜二毒併解以遡源
解毒湯代天宣化丸相間服之 丹溪云痘初出
時或未出時見時人有患者宜預服此藥多者令少
重者令輕以絲瓜近蒂叁寸連皮子燒灰存性爲末
沙糖拌勻乾喫入硃砂末更妙

三豆湯

赤小豆

黑大豆

菜豆各壹升生

小甘草

叁兩生剉

右以三豆淘淨同甘草用雪水八升

如無用長流水代之煮

痘瘡

豆熟為度去甘草將豆曬乾又入汁再浸再曬汁

盡為度逐日取豆水煮任意食之

代天宣化丸

即韓氏五瘟丹加減也

人中黃

屬土甲巳年為君

黃芩

屬金乙庚年為君

黃柏

屬水丙辛年為君

梔子仁

屬木丁壬年為君

黃連

屬火巳亥年為君

苦參

佐

荊芥穗

佐

防風

去蘆佐

連翹

酒洗佐

山豆根

佐

牛蒡子

酒淘炒佐

紫蘇葉

佐

先視其年所屬取其藥以為君其餘主歲者為臣

為君者倍之為臣者半之為佐者如臣四分之三

於冬至日參合為末取雪水煎升麻和竹歷調神

麴爲丸外用辰砂雄黃爲末每服竹葉湯下

製入中黃法取甘草大者不拘多少用新竹一節
納甘草於中仍緊塞無節空處放尿缸中浸七七
日取出曬乾聽用

逆源解毒湯

當歸身

川芎

生地黃

白芍藥

人參

連翹

黃連

生甘草

陳皮

木通

各等分

右剉細加淡竹葉拾片水一盞煎半盞去渣溫服

無時

養脾丸

人參

白朮

當歸

川芎

各壹錢半

木香

青皮

黃連

陳皮

各壹錢

砂仁

山查肉

神麴

炒

麥芽

炒各伍分

右爲細末水調神麴糊丸如麻子大每服三五十

丸陳倉米飲下

消瘟丹

未曾出痘及臨出者宜擇療病日預服

辰砂

研爲極細末水飛過週歲以下者五歲以下者一歲以下者服壹錢

絲瓜近蒂者參寸燒存性為末亦如前數

右用蜜調下或將鴿子及鳩煮熟以辰砂搽上令兒服之亦可屢試有驗

祕傳保嬰丹

真紫草去蘆酒洗勿犯鐵器纏豆藤燒正

存性各肆二味為君

升麻取新者鹽水炒引下不使侵肺氣

川防風去蘆及叉

荊芥穗去梗牛蒡子炒

各貳兩

真天竹黃自出蟾酥赤

真牛黃三味各壹錢貳分

大朱砂麻黃紫草荔枝飛研取淨末參銀

煮過就將其湯四味為佐

甘草稍去皮貳赤小豆

黑小豆

綠豆

各肆拾玖粒炒勿令焦 三味爲使

右各取細末和勻另用紫草參兩入水參碗煎去
查熬成膏半碗入生砂糖半碗和劑爲丸如芡實
大另用飛過朱砂爲衣未出痘之先濃煎甘草湯
每服小兒磨一九大人二九如已發熱之時生薑
湯磨服厚蓋取汗多者可少少者可無大有神効
袁氏痘前治法凡欲治痘須在未發之先預識其證
而分別用藥重者可輕輕者必愈但未痘而愈則醫
者無功故多不肯盡心及其既發又無及矣仁者須
以救生保嬰爲心寧我無功不可使嬰兒失命備陳

十八證治法於後

孩兒未痘之先感冒風邪身中火烙頭痛自汗咳嗽
不已傷寒未愈而痘隨出焉痘家謂之猿猴跳鎖傷
寒之後元氣囂漓須滋陰補血解熱疎風有滋陰三
寶散可服

滋陰三寶散

當歸

黃耆

生地

白茯苓

芍藥

川芎

橘紅

甘草

防風

玄參

麥門冬

二味
加倍